


Bibël për fëmijët paraqet

Pjetri dhe Fuqia e Lutjes



Shkruar nga: Edward Hughes

Ilustruar nga: Janie Forest
Alastair Paterson

Adaptuar nga: Ruth Klassen

Përkthyer nga: Arianit & Valbona Iljazi


Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1




Apostulli Pjetër
udhëtonte nëpër të
gjithë vendin për ti
treguar të tjerëve
për Jezusin. Një
ditë, në një qytet të
quajtur Lida, ai takoi
një njeri që kishte
qenë i paralizuar në
shtrat, për tetë
vjet.

2



"Jezus Krishti të shëron", tha Pjetri. "Çohu dhe rregullo shtratin tënd". Njeriu u çua menjëherë. Njerëzit që panë këtë, u kthyen tek Perëndia.

3



Në qytetin e afërm të Jopës njerëzit ishin të trishtuar. Një grua e krishterë e quajtur Dorkas sapo kishte vdekur.

4



Të trishtuara shoqet e saj e përgatiten trupin për ta varrosur, pastaj e vendosën në një dhomë të sipërme ku të gjitha së bashku filluan ta vajtojnë.

5



Por shoqet e Dorkas dëgjuan që Pjetri ishte aty, jo larg tyre. Ato thirrën Pjetrin që të vinte në Jopa menjëherë.

6



Kur ai erdhi në dhomën e sipërme, gratë e veja i treguan tunikat dhe mantelet që Dorkas kishte bërë për to. Gjithkush po qante.

7



Por Pjetri i nxorri të gjithë jashtë, u gjuhëzua dhe u lut. Dhe duke u kthyer nga trupi, tha "Dorkas, çohu". Dhe ajo hapi sytë, dhe kur pa Pjetrin u ul ndenjtur.

8



Pastaja ai i dha dorën asaj dhe e ngriti lart; dhe kur ai kishte thirrur gjithë të shenjtët (të krishterët) dhe gratë e veja, ai ua paraqiti atë të gjallë. Dhe ky fakt u bë i njohur në të gjithë Jopën, dhe shumë besuan në Perëndinë.

9

Pjetri qëndroi për një kohë të gjatë në Jopë, në një shtëpi pranë detit. Një ditë Pjetri u ngjit në taracën e shtëpisë për tu

lutur. Nëse ai do të kishte vështruar



përmbi muret e qytetit, ai mund të kish parë tre ushtarë që po vinin për ta kërkuar.

10

Këta njerëz ishin shërbëtorë të një ushtari Romak të quajtur Kornel, i cili adhuronte Perëndinë,



Korneli i dërgoi shërbëtorët e tij për të gjetur Pjetrin, sepse një engjëll i kishte thënë në një vizion, ...

11

... "Dërgo njerëz të gjejnë Pjetrin. Ai po qëndron me Simonin, një lëkurëregjës i cili e ka shtëpinë pranë bregut të detit.



Ai do të të tregojë çfarë duhet të bësh".

12

Ndërsa Pjetri lutej në tarracën e shtëpisë, Perëndia i dha një vizion. Dukej sikur një çarçaf i madh po ulej në tokë. Në çarçaf kishte kafshë dhe zogj.



Pjetri i njihte që këto ishin "të papastra". Kjo do të thoshte se Judenjët fetarë nuk ishin të lejuar ti hanin ato. Papritams, një zë i foli, "Pjetër, çohu, ther dhe ha".


13

"Jo kështu, o Perëndi", i tha Pjetri Perëndisë. "Sepse unë kurrë nuk kam ngrënë diçka të rëndomtë ose të papastër". Një zë i foli atij për herë të dytë. "Çfarë Perëndia e ka pastruar, ti mos e quaj të papastër". Kjo u përsërit tre herë. Dhe pastaj çarçafi u ngrit përsëri në qiell.



14

Pjetri nuk e kuptoi çfarë vizioni do të thoshte. Ndërsa ai mendonte rreth kësaj, Perëndia i tregoi që tre njerëz po e kërkonin, dhe se ai duhet të shkonte me ta.




15

Kur të tre njerëzit i treguan Pjetrit, se një i engjëlli i shenjtë i kishte thënë Kornelit që ti dërgonte fjalë atij, Pjetri e dinte se Perëndia po e drejtonte. Të nesërmen, ai vetë i shtatë shkoi në shtëpinë e Kornelit.




16

Mbase duke shkuar për në shtëpinë e një jo-Judeu, Pjetri filloi të kuptojë se Perëndia i do të gjithë njerëzit - që Perëndia dëshiron që të gjitha kombet ta njohin Jezusin si Shpëtimtar të botës. Kur Pjetri mbërriti, Korneli ra përmbys në adhurim përpara tij.




17

"Çohu. Edhe unë vetë jam një njeri si ty", i tha Pjetri, Kornelit. Pastaj ai u tha të gjithë njerëzve në shtëpi, "Ju e dini sa e kundraligjshme është për një Jude të shoqërohet ose të shkojë tek dikush nga një komb tjetër".




18

"Por Perëndia më ka treguar që nuk duhet të quaj askënd të rëndomtë ose të papastër".




19

Pjetri u tregoi këtyre paganëve (jo-judenjve) se Jezusi është Biri i Perëndisë, i Cili vdiq mbi kryq dhe u ringjall sërish për të qenë Shpëtimtari i botës. Pas kësaj Fryma e Perëndisë erdhi mbi të gjithë atje, dhe ata filluan të lavdërojnë Perëndinë.



20

Të gjashtë miqtë Judenj të Pjetrit u mahnitën. Ishte si në Rrëshaja. Dhurata e Frymës së Shenjtë ishte derdhur edhe mbi Paganët ashtu si përmbi ta. Atëherë Pjetri i pagëzoi besimtarët e rinj të Jezusit.



21

Në Jerusalem, të Krishterët e qortuan Pjetrin, për arsyen pse ai kishte vizituar paganët. Kështu Pjetri u tregoi atyre vizionet që ai dhe Korneli kishin marrë ndërsa luteshin. Kur ata dëgjuan këto gjëra, të krishterët e Jerusalemit, mbetën pa fjalë fillimisht. Pastaj ata lavdëruan Perëndinë, i Cili nëpërmjet lutjes i kishte treguar kishës së Krishterë, se dashuria e Perëndisë është për të gjithë njerëzit.



22

Pjetri dhe Fuqia e Lutjes


Një tregim nga Fjala e Perëndisë, Bibla

e marrë nga

Veprat 9-12

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

23



57

60

24

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkatet. Dënimi për mëkatet është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

25